



Rukses ja vilges beaivváš

Mátta Suoma ráje lea leamaš gassamuhta dán dálvve. Mii leat beassan návddašit čuoigamis ja olgun lihkadeamis. Albma dálvi lea leamaš lpmila skeaŋka midjiide eallima vádjoleaddjiide, geaid spiehkastadilli lea váibadan. Bismagotti davvioasis dálvi doallá vel luonddu hálddustis, muhto áiggi mielde beaivváš suddadišgoahtá assás skálvviige golgi ádjagin. Giđa imaš álgá leat vuot min gieđaid gaskkas.

Dáid giđa vuordámušaid siste mu lea áibbas erenomážit hálahan beassášsálbma 105, *Aurinkomme ylönousi*. Dasa lea sániid ráhkadan Kalajokilaakso vuolleoasis, Rautios bajásšaddan eanadoalli, riikkabeailahttu ja lestadiolaš sárdnideaddji Leonard Typpö (1868–1922).

Sálmmas lea sivaid dihtii, mat laktásit sálmma sátneráhkadeaddji ruovttuguvlui ja lestadiolaš oskkugillii, nana oktavuoha Oulu bismagoddái. Dan dihtii sálmma leage gohčodan Oulu bismagotti nammasálbman. Dovdo erenomáš fiinna áššin, ahte bismagotti sálbma laktása namalassi beassážiidda, kristtalašservoša stuorámus ávvudeapmái.

Mánnggaid olbmuid lea hálahan sálmma báiki, mas daddjojuvvo vehá lyrihkalaččat ja suollemasat "beaivváš lea ruossa alde vielgat ja ruoksat". Maid dárkkuha dát giellagovva? Beaivváš lea govva Kristusis. Kristus-beaivváš báitá ruossa alde ruoksadin ja vielgadin. Rukses lea Jesusa soabadanvára ivdni. Dat muitala guhkesbearjadaga dáhpáhusaid birra. Kristusa soabadanvarra golggai min suttuideamet dihtii. Vilges beaivváš geažida beassážiid ipmašii, go Kristus bajásčuožžilii ja vuittii jápmima válldi.

Mu guoskkaha boahttevaš beassážiin guhká vurdon Ylivieska ođđa girku vihaheapmi. Doaimmahan girku vihaheami dárkilit vihtta jagi das maŋŋá go boares girku traŋihkalaččat bulii. Dalle ylivieskalaččat johte geahčastagat vulosguvlui gutnan buollán, ráhkis girku bázahusaid lusa. Ylivieskalaččaid morrašii serve mánnggat miehtá riikka go gulle váimmuid bávččagahtti ođđasa girku buollimis.

Boahttevaš beassážiid, vihtta jage maŋŋá, dovdamušat leat ollásit nuppeláganat. Oažžut geahčadit Ylivieska čáppa ođđa girku, mii lea nugo bajásčuožžileami iđida imaš. Dat lea gatnjaliid ja gunaid siste loktanen ilu katedrála. Jo dan leahkin ja oidnon muitala seammá sága, man engel almmuhii hirpmástuvvan nissoniidda guoros hávddi luhtte: Jesus lea bajásčuožžilan jápmimis.

Dán Ylivieska searvegotti stuorra ávvudeamis, Kalajokilaakso bajimuš gierragiin, lávlojuvvo ovdalis mu namuhan Leonard Typpö sálbma *Aurinkomme ylönousi*. Čuohte jage riegádeami maŋŋá sálbma skájiha ođđa girkus cealkimiin Kristus, guhte lea ruossa alde vielgat ja ruoksat; Kristus, guhte lea soabahan suttuideamet ja vuotán jápmima.

Ylivieska girku vihahanávvudeapmi lea oppa Oulu bismagotti ávvubeaivi. Searvegottit Perhos gitta Ohcejoga rádjai servet illudeapmái. Kristus bajásčuožžilii jápmimis, duodai bajásčuožžilii!

Ovdalaš beassážiid 2021,
Jukka Kesitalo
Oulu bismagotti bisma